



Broj: 0101- 3226 /22

Datum: 13.06.2022. godine

**OBAVIJEST O NAČINU PRIJAVE I RANGIRANJA KANDIDATA**  
**ZA ZA UPIS U I GODINU INTEGRIRANOG STUDIJA I i II CIKLUSA NA**  
**UNIVERZITETU U SARAJEVU - FARMACEUTSKOM FAKULTETU ZA**  
**AKADEMSKU 2022/23 .GODINU**

U skladu sa Konkursom Univerziteta u Sarajevu za upis studenata u prvu godinu studija na Univerzitetu u Sarajevu u studijskoj 2022/23.godini objavljenog dana **13.06.2022.** godine Univerzitet u Sarajevu -Farmaceutski fakultet upisuje 70 (sedamdeset) redovnih studenata (čije troškove studija snosi osnivač) 100 redovnih -samofinansirajućih studenata (troškove studija snose sami studenti, te 10 stranaca.

Prijava i upis kandidata na Konkurs za upis u prvu godinu studija provodi se isključivo online putem Informacionog sistema eUNSA, i **web stranice [www.upis.unsa.ba](http://www.upis.unsa.ba)** u prvom prijavnom roku od **13.06.2022. do 01.07.2022.** godine.

Na web stranicama Univerziteta i Informacionog sistema eUNSA nalazit će se sve informacije i detaljna uputstva o postupku registracije na Informacioni sistem eUNSA, te načinu i rokovima za upload dokumenata za online prijavu na Konkurs.

U Konkursnim prijavnim rokovima kandidat može izabrati najviše tri fakulteta u okviru kojih može birati više smjerova/odsjeka.

Tokom trajanja Konkursnog roka kandidatima će biti omogućena najmanje tri reizbora fakulteta/odsjeka/smjera, a o čemu će biti obaviješteni na početnoj stranici Informacionog sistema putem kojeg se provodi upis.

**DOKUMENTI POTREBNI ZA ONLINE PRIJAVU NA KONKURS:**

Podaci o kandidatima koji se prijavljuju na objavljeni Konkurs, a koji su srednju školu završili u Kantonu Sarajevo prilikom registracije povezuju se sa podacima u sistemu EMIS, te su dužni uploadovati Uvjerenje o državljanstvu i Izvod iz matične knjige rođenih.

Kandidati koji su završili srednju školu po međunarodnim programima u Kantonu Sarajevo dužni su skenirati i uploadovati dokumente koji se ne nalaze u sistemu EMIS.

Kandidati koji su srednju školu završili izvan Kantona Sarajevo, kao i kandidati koji su završili srednju školu u Kantonu Sarajevo, a ne nalaze se u sistemu EMIS, dužni su skenirati i uploadovati sljedeće originalne dokumente:



1. svjedodžanstva o završenim razredima srednje škole završene u Bosni i Hercegovini u četverogodišnjem trajanju, odnosno odgovarajuće priznate dokumente za kandidate koji srednju školu nisu završili u Bosni i Hercegovini (odnosno potvrdu kao dokaz da je postupak priznavanja/ ekvivalencije u toku),
2. diplomu o završenoj srednjoj školi,
3. izvod iz matične knjige rođenih,
4. uvjerenje o državljanstvu,
5. dokumente relevantne za utvrđivanje broja bodova po kriterijima kao i dokumente relevantne za dokazivanje statusa pripadnosti kategoriji djece šehida i poginulih boraca, djece ratnih vojnih invalida, djece dobitnika ratnih priznanja i odlikovanja i djece bez oba roditelja,
6. Strani državljani: dokaz o poznavanju b/h/s jezika ukoliko se prijavljuju na studij koji se izvodi na b/h/s jeziku,

NAPOMENA: Svi kandidati koji pripadaju određenoj kategoriji pod tačkom 5 (pet) prethodne godine su uploadovali dokaz odnosno potvrdu koju izdaje nadležna služba o pripadnosti roditelja jednoj od navedenim kategorija.

Prijave podnesene putem informacionog sistema eUNSA i dokumenti koji su dostavljeni na Studentske službe poslije roka utvrđenim Konkursom kao i nepotpune prijave neće se uzimati u razmatranje.

**Preliminarna rang- lista svih primljenih i prijavljenih kandidata** objavljuje se putem informacionog sistema eUNSA kao i na oglasnoj ploči/web stanici fakulteta (pod šifrom koju su kandidati dobili prilikom registracije) nakon što je verificira Komisija, najkasnije dva dana od dana polaganja posljednjeg prijemnog ispita na Univerzitetu u Sarajevu, **a za fakultete na kojima se prijemni ispit ne polaže – najkasnije dva dana nakon isteka roka za podnošenje prijava na odgovarajući prijavni rok Konkursa.**

Preliminarna rang lista kandidata sa prvog prijavnog roka koji ispunjavaju uslov za upis na fakultete Univerziteta u Sarajevu bit će objavljenja **04.07.2022.godine.**

Na preliminarnu rang-listu kandidati imaju pravo prigovora u roku od tri dana od dana objave iste o kojoj je Vijeće Fakulteta obavezno donijeti Odluku u roku od tri dana. Odluka Vijeća po prigovoru je konačna.

Konačna rang lista kandidata koji su stekli pravo na upis u svim statusima objavljuje se na informacionom sistemu eUNSA kao i na oglasnoj ploči /web stranici fakulteta 13.07.2022.godine.

**U roku od sedam radnih dana od dana objave konačne rang-liste kandidat koji je ostvario pravo na upis je obavezan dostaviti originale uploadovanih dokumenata fakultetu i izvršiti upis: u protivnom se smatra da je odustao od upisa na studijski program za koji je aplicirao.**



**Obavijest o upisu i svim dokumentima potrebnim za upis bit će oglašene na web stranici Fakulteta i oglasnoj ploči nakon objave Konačne rang liste kandidata koji su stekli pravo na upis.**

**RANGIRANJE KANDIDATA I PRIJEM STUDENATA U PRVU GODINU STUDIJA  
NA UNIVERZITETU U SARAJEVU - FARMACEUTSKOM FAKULTETU ZA  
AKADEMSKU 2022/23. VRŠIT ĆE SE NA OSNOVU:**

- 1. OPĆEG USPJEHA**
- 2. USPJEHA IZ MATERNJEG JEZIKA, BIOLOGIJE, MATEMATIKE I HEMIJE (SREDNJA ŠKOLA)**
- 3. REZULTATA OSTVARENIH NA TAKMIČENJIMA IZ PREDMETA RELEVANTNIH ZA STUDIJ FARMACIJE (BIOLOGIJA, MATEMATIKA I HEMIJA)**
- 4. OSTALA BODOVANJA DEFINIRANA U ČLANU 21.OVOG KONKURSA**
- 5. REZULTATA EKSTERNE PROVJERE ZNANJA (U SLUČAJU MEĐUNARODNIH PROGRAMA)**
- 6. ODLIČAN (5,0) USPJEH IZ SVIH NASTAVNIH PREDMETA I PRIMJERENO VLADANJE U TOKU CJELOKUPNOG SREDNJOŠKOLSKOG OBRAZOVANJA**

**/1/Broj bodova po osnovu općeg uspjeha iznosi maksimalno 20, a utvrđuje se na način da se prosjek ocjena iz svih predmeta pomnoži sa 4 i zaokruži na dvije decimale (saberu se ocjene, podijele sa brojem predmeta i pomnoži se sa 4. ( Dio III Član 19 .(1) Odluke o Kriterijima i mjerilima za utvrđivanje redosljeda prijema kandidata za upis u prvu godinu studija na Univerzitetu u Sarajevu u studijskoj 2022/23. godini),**

**/2/Način bodovanja po osnovu uspjeha iz značajnih predmeta za odgovarajući studijski program utvrđuje se tako da se prosječna ocjena iz grupe ovih predmeta zaokruži na dvije decimale i pomnoži sa 16. Maksimalan broj bodova 80. Dio III (Član 19 (2). Odluke o Kriterijima i mjerilima za utvrđivanje redosljeda prijema kandidata za upis u prvu godinu studija na Univerzitetu u Sarajevu u studijskoj 2022/23. godini),**

**Spisak predmeta značajnih za studij farmacije:**

**- Biologija**

**- Matematika**

**- Hemija**





**- Maternji jezik**

**/3/ Vrednovanje rezultata ostvarenih na takmičenjima iz predmeta relevantnih za određen je u dijelu III član 20. Odluke o Kriterijima i mjerilima za utvrđivanje redosljeda prijema kandidata za upis u prvu godinu studija na Univerzitetu u Sarajevu u studijskoj 2022/23. godini),**

**/4/ Kandidatima koji su imali odličan (5,0) uspjeh iz svih nastavnih predmeta i primjerno vladanje u toku cjelokupnog srednjoškolskog obrazovanja, dodjeljuje se dodatnih 5 (pet) bodova ( Dio III član 21. (1) Odluke o Kriterijima i mjerilima za utvrđivanje redosljeda prijema kandidata za upis u prvu godinu studija na Univerzitetu u Sarajevu u studijskoj 2022/223 godini),**

**Kandidatima sa završenom srednjom školom u četvorogodišnjem trajanju po međunarodnim programima odobrenim od strane nadležnog ministarstva i koji su polagali eksternu provjeru znanja iz predmeta od značaja za studij dodjeljuju se dodatni bodovi za svaki pojedinačni predmet po slijedećoj šemi:**

**- Ocjena A\* ili A - 3 boda**

**- Ocjena B – 2 boda i**

**- Ocjena C - 1 bod (Dio III član 21. (2) Odluke o Kriterijima i mjerilima za utvrđivanje redosljeda prijema kandidata za upis u prvu godinu studija na Univerzitetu u Sarajevu u studijskoj 2022/23. godini),**

**Ekvivalencija ocjena za učenike sa završenim IB programom vršit će se u skladu sa instrukcijom Ministarstva za obrazovanje, nauku i mlade Kantona Sarajevo.**

Na web-stranicama Univerziteta u Sarajevu ([www.unsa.ba](http://www.unsa.ba)) i informacionog sistema eUNSA ([www.upis.unsa.ba](http://www.upis.unsa.ba)) nalazit će se sve informacije i detaljna uputstva o postupku registracije na informacioni sistem eUNSA, te načinu i rokovima za *upload* dokumenata za online prijavu na Konkurs.

Originalni Konkurs raspisan od strane Univerziteta u Sarajevu istaknut je na oglasnoj ploči i web stranici Univerziteta u Sarajevu - Farmaceutskog fakulteta [www.ffsa.unsa.ba](http://www.ffsa.unsa.ba) (**Folder- Informacije o upisu u prvu godinu studija).**